



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Svcqv̄et E Societate Iesv Via Vitæ Æternæ

Sucquet, Antoine

Antverpiae, 1630

Cap. 15. de charitate erga Ecclesia[m]

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

CAPVT XV.

De quinto stimulo charitatis erga Ecclesiam matrem, qui est meditatio de Ecclesia afflictione.

*Christi amor
erga Eccle-
siam.*

*2. Tim. 3.
D. Leo.*

*Persecutio
Ecclesia.*

Bernard.

*Isai. 38.
Ecclesiastici
mali nocent
plurimum.
Greg. hom.
17. in Euag.*

PVNETVM I. Considera Primò, quomodo Ecclesiã Dominus velut sponsam sibi precioso sanguine subarrhaverit, adeoque amãrit, ut pro ea mori dignatus sit: ac proinde fideles ejus servos hostibus cinctam strenuè propugnare, idque egregiã virtute oportere. Secundò, attende quã multi in eã sancti & pii homines; quos quotidiana propè procella multarum adversitatum & persecutionis exagitat. Omnes enim qui piè volent vivere in Christo, persecutionem patientur: neque deerit tribulatio persecutionis, si numquam desit observantia pietatis. Atque adeò repete, si placet, aliùs; neque in veteri testamento ullum Deo probatum invenies, quem velut aurum antea tribulationis ignis non repurgãrit. *Aspira*, ut sup. p. 10. *Hæcine firmã fide*, ibid.

Tertiò, attende quantas per orbem totum persecutiones patiatur universa Ecclesia, tum à Mahometo; tum Ethnicis, tum vel maximè hæreticis. quæ regna hi non vastarunt? quæ sacra non profanarunt? omnium tamen maximè à dyscolis Prælaris: qui, ut dicit D. Bernard. cum ministri Christi sint, serviunt Antichristo: honorati incedunt de bonis Domini, & Domino honorem non deferunt, ut Ecclesia meritò dicere possit: *Ecce in pace amaritudo mea amarissima, amara priùs in nece Martyrum, amarior in conflictu hæreticorum, amarissima nunc in moribus domesticorum.* Et Gregorius, Nullum puto, fratres carissimi, ab alijs majus præjudicium quàm à sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit; quando ipsi peccamus qui compescere peccata debuimus. Neque minùs tamen à Religiosis ordinibus peccatur, quorum multos
miserè

miserè discerptos & deformatos lugemus: quorum aliqui cùm sal mundi esse deberent, infatuati sunt; cùm eorum sit angelicam vitam inter homines degere, & exemplo præire, ex ipsis scandala multa nata sunt, atque etiam magistri errorum. *Astiterunt*, ut infra pag. 288.

PVNCTVM II. Considera Christũ *JESVM* ex infinito *Dominus Iesus in S. Eucharistiã, præsentia sua nos animat.* amore se Ecclesiæ suæ dedisse in augustissimo Sacramento altaris, ut etiam sic cum eâ esset usque ad consummationem sæculi, ad præsidium, refugium ac solatium omnium fidelium. Jam vide quantis amore tui se exposuerit simul injuriis magorum, hæreticorum, qui eum non tantum conculcare, sed & mille indignis modis & blasphemis dehonestare consueverunt. Et utinam hi tantum! sed, quod multo magis lacrymis dignum est, à Catholicis & Sacerdotibus aliquibus, & Religiosis improbis eadem patitur: ut meritò illud iterum dicere possit: *Zach. 13.* His plagatus sum in domo eorum, qui diligebant me, nam qui pro Domino sanguinem ponere debuerant, hi sunt qui eum ostentui habuerunt, & eum rursus sibi crucifixerunt. Iam video quo pacto subditi Regis terreni, cum in mediã acie pro se stantem iuvare & tutari, suis etiam corporibus oppositis conentur: & idem pro Rege tuo Christo *JESV* facito, imò pro patre, pro redemptore, tanto benefactore & Sponso animæ tuæ. *Credo tibi*, &c. ut supra pag. 7.

PVNCTVM III. Considera quàm fortiter zelati sint *Zelus Sacerdotum.* pro Deo & ejus Ecclesia Machabæi, & post Domini mortem à principio pro eâ pugnârunt Apostoli, Martyres & Doctores, & divi Athanasius, Hieronymus, Augustinus, &c. hæreticos scriptis, & quibus poterant modis persequentes. Quantâ solitudine, velut boni speculatores in Ecclesiæ speculâ cõstituti, vigilârunt super gregem suum: neque tantum pro animabus, quod præcipuum est, sed etiam pro immunitate Ecclesiæ fortiter
stets

*Ephes. 6.**Quantum
unus vir ze-
losus prestat.
S. P. Igna-
tius.**2. Mach. 7.**Luc. 1.**1. Mach. 2.*

steterunt, ut Stanislai, & Thomæ Cantuarienses. Secundo, quanta hinc illis merito gloria accesserit: non enim de hostibus carnalibus triumpharunt, sed de principibus mundi hujus, & potestatibus tenebrarum. Tertio, quantum aliquis vir zelosus possit, uti S. Dominicus, Franciscus, Ignatius, Xaverius. Certè duodecim Apostoli modicum fermentum paucis aliquot viri Religiosi, plus aliquot millibus posuere operæ, & fructum collegere. Solitus sanè S. Ignatius dicere, neminè nosse, quantum Deus per eum gratiâ suâ operaretur, si homo illâ quæ jam concessa est, uteretur. Attende ergo matrem Ecclesiam his te verbis compellantem: Fili, miserere mei, quæ te in utero portavi & lac dedi, & in ætatem istam perduxi, peto, nate, ut adspicias ad cælum & terram, & ad omnia quæ in eis sunt, & intelligas, quia ex nihilo fecit illa Deus, & hominum genus ita fiet ut non timeas propter eum carnifices ullos, sed dignus fratribus tuis effectus particeps, suscipe mortem, ut in illâ miseratione cum fratribus te recipiam. Illa enim nos Domino regeneravit & pascit, ut in sanctitate & iusticiâ coram illo vivamus. Induamus ergo Mathathiaæ zelum, videntes contritionem populi nostri. En sancta in manu extraneorum facta sunt, templa nostra sicut homo ignobilis, vasa gloriæ ejus captiva abducta sunt, trucidati sunt senes ejus in plateis, & juvenes ejus ceciderunt in gladio inimicorum: omnis compositio ejus ablata est, sancta nostra, & pulcritudo nostra, & claritas nostra desolata est. *Haccine vera, ut sup. pag. 7.*

Exercitium.

*Psal. 2.**Thren. 1.*

Astiterunt Reges terra, & Principes convenerunt in unum, adversus Dominum, & adversus Christum & Ecclesiam ejus: ideo plorans ploravit in nocte, & lacryma ejus in maxillis ejus, & vix est qui confoletur eam ex omnibus charis ejus. habitavit inter gentes, nec invenit requiè: omnes persecutores ejus apprehenderunt eam: inter angustias filij ejus. *Idcirco ego plorans, & oculus*

Oculus meus deducens aquas, quia facti sunt filii ejus perditii, quoniam invaluit inimicus. Tacuerunt in terrâ foris puer & senex, juvenes & virgines ceciderunt in gladio. quomodo obscuratum est aurum, mutatus est color optimus, dispersi sunt lapides sanctuarii in capite omnium platearum! Filii Sion inclyti, & amicti auro primo, quomodo reputari sunt in vasa testea, opus manuum figuli! candidiores nazarei ejus nive, nitidiores lacte, rubicundiores ebore antiquo, & sapphiro pulciores, Religiosi, inquam, aliqui apostata, & sacerdotes ejus. Denigrata fuit super carbones facies eorum, & non sunt cogniti in plateis. Propter peccata enim Prophetarum ejus, & iniquitates aliquorum sacerdotum ejus iratus es, Domine, furore in populum tuum, & abominatus es hereditatem tuam; & ecce qui nutriebantur in croceis, amplexati sunt stercora. Recordare, Domine, quid acciderit illis: intueri & respice opprobrium nostrum.

Thren. 4.

Psal. 105.

Thren. 5.

Verè hereditas nostra versa est ad alienos, & Aegypto pluri mi dederunt manus, servi dominati sunt nostri, & non fuit qui redimeret de manibus eorum. Convertite nos, Domine, ad te, & convertemur, innova dies nostros sicut à principio. avertatur ira tua à nobis, quia derelicti sunt filii tui, & zelatores honoris tui pauci inter gentes. Exaudi, Domine, preces nostras, & orationes nostras, ut sciat omnis terra, quia tu es Dominus Deus noster, & quia nomen tuum invocatum est super Israël, & super me. Protector noster aspice Deus, & respice in faciem Christi tui, atque o animam, Christe JESU, hodie, quando suscipere te desidero ardentius, & amantiùs quàm in omni vita meâ, utinam omnes intelligant, quòd non sit verè alia natio tam grandis qua habeat Deos appropinquantibus sibi, sicut tu Deus noster, non tantùm obsecrationibus, sed his N. & omnibus infirmitatibus nostris, qui toties venis ut cures, ut sanes, ut tuearis me. Si enim tu Deus pro nobis, & nobiscum es, quis contra nos? Dicebat ille: faerunt mihi lacryma mea panes die ac nocte, dum dicitur mihi quotidie, ubi est Deus tuus? hæc & ego recordatus sum, & effudi in me animam meam, dum toties te edo panem vita, & tamen non tibi uni vivo, toties bibo calicem salutis, & adhuc ager sum. O utinam, utinam in vitâ meâ appareret benignitas tua in nos ex

Applicatio
ad Com-
munionem.

T

operibus

operibus nostris, & te esse nobis columnam nubis per diem vanitatis, & ignis per noctem sæculi huius, Amen.

Praxis iuvandi Ecclesiam laborantem.

P R I M O, statas preces sibi indicere, aut applicare pro Ecclesia, Principibus, & iis qui multum obesse & prodesse bono publico possunt. Sic B. Ignatius ter pro Hispaniarum Rege quotidie coram Domino cum lacrymis supplicare se aiebat, cum quidam eum commendaret.

Secundò, pro Religiosis Ordinibus; quia florere eos plurimum Ecclesiæ interest: & hoc pacto per complura sacra numismata particeps quis sit meritorum, ut videre est in variis Indulgentiis.

Tertio, Sanctos provinciarum hæresi infectarum, & Angelos earum præsidēs colere atque orare.

Quarto, conferre pro virili ad Seminaria, & catechumenos instituendos & promovendos, & ejusmodi pietatis exercitia, aut per facultates, aut industriam.

Quinto, immunitates Ecclesiæ diligenter tueri, pro quibus etiam fortissimi Martyres occubuere, ut D. Thomas Cantuariensis, &c.

Sextò, de Ecclesiasticis Prælatiis honorificè semper loqui, eosque venerari; adeoque id D. Francisco cordi erat, ut diceret prius se sacerdotem obvium, quàm Angelum salutarum fuisse, si uterque simul occurrisset.

Dignatus es, ut suprà pag. 10.

I A C V L A T O R I Æ.

Psal. 79.

Psal. 83.

Psal. 105.

Ibid.

D E V's virtutum convertere, & visita vineam istam.
Protector noster aspice, Deus, & respice in faciem Christi tui.
Memento nostri, Domine, in beneplacito populi tui, visita nos in salutari tuo, ut lauderis cum hereditate tuâ.
Salvos nos fac, Domine Deus noster, & congrega nos de nationibus, confiteamur nomini sancto tuo.



DECIMÆ TERTIÆ IMAGINIS
ANNOTATIO.

Miserere animæ tuæ placens Deo, & defunctorum; ac strenuè virtutem cole.

Considera ut **A** anima in Purgatorio à virtute tuâ & precibus opem postulent; illis compatere, earumq; petitionem, & **B** Angeli Custodis admonitionem (ut ille **C** imprudens) noli despicere; quia sicut illarum iudicium, ita erit & tuum. Eas itaque adjuva (ut hic **D** filius matrem) **E** sacrificiis, **F** orationibus, & **G** eleëmossinis. O quàm gratum de iis nuntium ferent **H** Angeli! Attende quomodo vel unam 1 horam, si daretur, impenderent; & num opera tua sic expianda non sint, utrùm sint **K** lignum, fœnum, aurum, lapides preciosi. Admirare **L** Dei iustitiam ista videntis ac permittentis.